

Communicaziun a las medias dals 2 d'avrigl 2025

La BCG pussibilitescha jobs da stad per giuvenils grischuns

Ils jobs da stad da la Banca Chantunala Grischuna (BCG) han bainbaud puspè lieu. Fin ils 27 d'avrigl 2025 pon giuvenils s'annunziar per ina da las 45 plazzas. Questas trais emnas da project realisescha la BCG en collavuraziun cun il Project en favur dal guaud da muntogna.

Durant in'emna tgiran ils giuvenils grischuns il guaud giuven e prads maghers e cumbattan neofitas. Uschia scufran els la natira davant l'isch-chasa, surpiglian responsabladad per lur ambient e rimnan emprimas experientschas professiunalas. Las emnas da project han lieu quest onn tranter la fin da zercladur e la fin dal fanadur 2025 a Cuira, Küblis e Glion. Per lur engaschi en favur dal mantegniment da la funcziun da protecziun dal guaud da muntogna indigen survegnan las giuvnas Grischunas ed ils giuvenils Grischuns ina paga da 500 francs.

Las emnas da project da la BCG e dal Project en favur dal guaud da muntogna, ina fundaziun d'utilitad publica cun sedia a Trin, han lieu quest onn per la 13avla giada. Questa cooperaziun dat a la BCG la chaschun da s'engaschar per il guaud da protecziun grischun ed il medem mument da porscher als giuvenils in'occupaziun utila durant las vacanzas. Giuvenils motivads tranter 15 e 19 onns che lavuran gugent giuadora da tutt'aura ed han plaschair da s'engaschar per la natira, pon s'annunziar fin ils 27 d'avrigl 2025 sin gkb.ch/sommerjobs.

Contact:

Thomas Müller, thom.mueller@gkb.ch, telefon +41 81 256 83 11

Bernhard Kobel, bernhard.kobel@gkb.ch, telefon +41 81 256 88 01

Banca Chantunala Grischuna, chascha postala, 7001 Cuira | medien@gkb.ch / gkb.ch/medien

Banca Chantunala Grischuna.

La Banca Chantunala Grischuna porscha tut quai ch'i dovra per ina banca universala moderna – per persunas privatas, l'economia ed il maun public. L'interpresa cun sedia principala a Cuira è represchentada en passa 40 lieus en il Grischun. Cun var 1'000 collavuraturas e collavuratur è la BCG ina da las pli grondas patrunas en il chantun. Sia attaschadadad al Grischun exprima ella en moda multifara. Ultra da sias activitads economicas s'engascha ella era cun ses sponsoring, ses fonds d'engaschament, sia collecziun d'art e sia lavur voluntara.

La BCG dispona da participaziuns da maioritad da la banca privata Bellerive AG e da la Albin Kistler AG. Plinavant è ella l'acziunaria unica da la BZ Bank Aktiengesellschaft. Il scrit da participaziun da la BCG è quotà a la bursa dapi il 1985. L'onni da gestiun 2024 è il chantun Grischun sa participà cun 103.7 milliuns francs incl. l'indemnisaziun per la garanzia statala (report.gkb.ch).